

SANTIAGO

Ra søcuą bi 'yo't'a ra Jacobo Santiago

Ran zengua

1 Nugä drá Jacobogä, rá 'yęęgä Oja ne ma Hmuhü ra Jesucristo. Ne hõnbü go hapü gá mbähä n'da ngu n'da ahü, dí zengua ahü ma meni ahü, ngue n'dat'ü mam bombõtahü ü 'de'mayoho yú ts'ünt'ü ra Israel.

Di 'daju ran 'yomfëni Oja

²Ma zi cu ahü, nde'bü dan johyahü 'bü dí sähü yün ünbi, hõnt'a go man ünbi dín nuhü. ³Nguetho dí pähmbü nu'bü da ts'äc ma t'ęc'yëihü, gue'a ní jaju ga häthü xün ho a. ⁴Pe i jatho ga häthü xün ho ne hin gan suhü, ne gue'a dín te ma mbüihü a, ne di hajü xün ho ra ts'edi, ne nte ga 'behmbü büya. ⁵Pe nu'bü hin dí pähmbü nda'a xün ho ga øthü, ga äfü Oja ran 'yomfëni ne di 'daju a. Nguetho di unni xün ho to'o da 'yäpi, ne hin di japi da mbe'ts' rá sä n'da. ⁶Pe jatho n'dat'a gam bëmhbü 'bü ja 'be'a dí äfü, ne hinga 'dahma'dan'yo gam bëmhbü. Hin ga øthü tengu ra t'øthe bü ja ra dađadehe, hõnbü go hapü ní 'yen ran dađi. ⁷Nu ra

ja'i i øt'e tengu a, sä im bëni di un'na i äp a Oja, pe nte di unni. ⁸Nguetho 'dahma'dan'yo im bense, ne hingui sä n'dat'a da 'yøt'e. ⁹Pe emme di johya n'da zi hyoya 'yęc'yëi, nguetho i pađi emme xün ngu di muui bü nan nu Oja. ¹⁰Ne'a ra membeti 'yęc'yëi, emme di johya 'bü mi bađi hinga gue'a rá mbeti ní numanho Oja a, ngue nu rá mbeti tengu yú døni ü yü paxi i høe. ¹¹Ngue nu'bü xpäm bøk ra hyadi emme xäm pa, di hmang yü paxi ne i høh yú døni büya, ne him man di necmanho. Din jabü n'da ra membeti 'bü hõnt'a ra mbeti in numanho, madague'bü di thoqui dim pefi, pe di 'bedi 'be'a gätho i pe'tsi.

Ga häthü 'bü bi ts'aju

¹²Nu'bü ga häthü yün ünbi, dan johyahü büya. Nguetho nu'bü mi ts'aju ne dá häthü, ya din 'daju ra temazaı, tengu bi man Oja di 'daju 'bü hõnt'a gam bëmhbü a.

Dím bensehü yü ts'oqui

¹³Nu'bü 'bü'a n'da da bëni da 'yøt'a n'da ra ts'oqui, pe hin da

'yɛna Oja bi bɛnbi. Nguetho xun ho Oja ne hingui xifi da 'yɔt' ra ts'oqui n'da ra ja'i, ne xin da zä da si Oja da 'yɔt' ra ts'oqui. ¹⁴Pe n'da ngu n'da ya ja'i 'bu im bɛni da 'yɔt' ya ts'oqui, pe bin 'yɔrpazehɛ nangue rán 'yomfɛni sɛ. ¹⁵Ne nu'a 'be'a bi numanho sɛ, ne nu'bu mi bɛni da 'yɔt'e, ne gue'a dí mbuxca ya ts'oqui rá mbui a. Ne nu'bu mi 'yɔt'u ya ts'oqui mi bɛni, ne man'da bi thoqui bi 'yɔr buya, ne gue'a dí nu ran unbi mazai a buya. ¹⁶Ma zi cu ahɛ, hin dan hyäzehɛhu 'bu dí ɔthu ya ts'oqui, gue'a hin gam bɛmhbu Oja di 'bɛcpahɛ. ¹⁷Nguetho xun hotho 'be'a gätho di 'dajɛ Oja, ne hont'u gätho xun ho bí nexpu bí 'bu Oja, ngue bi zän ya nyot'i ua ja ra häi. Nu'u ja'bu di 'beh yün nequi 'bu xu 'bat'u, pe nu Oja njam'bu di 'beh ran ho. ¹⁸Rá pähä zehɛ Oja bi xändgahɛ 'bu má hamhbɛ rá m hma majuaɲi, ne yú t'uhni gahɛ a buya. Janangue'a man'da xun hoju xinda gue'u mi'da gätho bi 'yɔt'e.

**Dan xähmbɛ ram hma ne
ga ɔthu yün thehu**

¹⁹Gue'a dí paɲmbɛ a, ma zi cu ahɛ. Janangue'a dan ɣhya dan xähmbɛ a rá m hma, xinda gue'bu go dan yašɛhu, ogue ga ɛmhbu go dí pašɛhu ngue dan junthu. ²⁰Nguetho nu'bu dadín junthu, hingui sä ga ɔthu 'be'a nde Oja. ²¹Pe ga ešhu a ná ɔthu ya ts'oqui, ne ran ts'o zai dá bɛmhbu. Ne hin dan 'yɛzehɛhu. Janangue'a da zä ga cɛ't' ma mbuihu a ram hma, tengu'bu n'da ra hmu'da da thupɛ, ne din te bu. Ne gue'a dí pɔcpa ma mbuihu a buya. ²²Pe hinga

hontho dan xäthohu ram hma. Nguetho dán hyäzehɛhu 'bu dí m bɛmhbu hin'yu man'da ga ɔthu. Pe i jatho thocpa thoho ga ɔthu yün thehu a ram hma dadín xähmbɛ. ²³Nguetho nu'bu dí ɛmhbu dadín xähmbɛ ram hma, ne hin dí ɔthu yün thehu, dadí pumbɛni thohu a dán xähmbɛ 'bu. Tengu'bu dí hɛthu ran hyädä ma hmihɛ, ne hin dí zämhbɛ bu. ²⁴Dá nuhma a ma hmihɛ, pe 'bɛx dá pumbɛnihɛ 'bu má 'uehmbɛ. ²⁵Pe nu'bu dan zämhbɛ a ra 'da'yomhma, gue'a di zeju ga ɔthu yün thehu a. Ne nu'bu zai dí ɔthu a, ne hin dí pumbɛnihɛ a, di jaɲcpahɛ Oja buya nangue 'be'a gätho dí ɔthu. ²⁶Nu'bu sä ɛna ɔrpa rá 'befi Oja n'da, ne hin di jamansu 'be'a ma, din hyäzehɛ 'bu, ne nte ní mbat'a ní 'yɔrpa rá 'befi Oja 'bu. ²⁷Pe nuna majuaɲi rá 'befi Oja ma Tahɛ da numanho 'bu ga fäxhu ya hyoya t'uhni, ne ya xisu xun du yú ndø, ngue in nu ran unbi. Ne nde'bu dam fäsehɛ hin di ts'onga man 'yomfɛnihɛ rán t'ɔt'e ra ximhäi.

**Hin ga huandahɛ to'o
gan numanhohɛ**

2 Ma zi cu ahɛ, nu'bu dí ɛ'yɛihɛ ma Hmuɲu ra Jesucristo ngue mixte xun ho a, nde'bu ga ɔthu tengu i ɔ't'a, ngue hin ga huandahɛ to'o dín numansuhɛ. ²Xi'bu da zøm bu ja mam petihɛ n'da ran 'yohu i fo rá 'ye ram fo'ye ɛmme xum hmadi, ne mahotho rá he. Ne da zøm bu n'da zi hyoya hingui ho rá he. ³Ne man'da gan numanhohɛ a mahotho rá he, xinda gue'a n'da zi hyoya. Ne ga ɛmfɛ a mahotho

rá he: “Nu'i n'yø, damin säya ts'u ua ja ran thuts'i,” ga ɛmfu. Ne nu'a zi hyoya büya: “Nu'e, damím 'bäh nü ogue damí hyuh nü häi ja rá hyo ran thuts'i,” ga ɛmfu a büya. ⁴Ha hin dím bëmhbü ngue yoho man t'øt'ehü 'bü dí samhbü a nan hyoya u 'da, ne nu'a na membeti u 'da, gue'a na ɛspahü u. Ne guexta'a ra ts'oqui dí øthü 'bü dí huandahü a dín numanhöhü. ⁵Ma zi cu ahü, damí 'yøhmbü na ga xi ahü. Ha him bi huan Oja u xün ngu i hyoya bü na nu ra ximhäi, ngue da dïn a man'da di muui, ngue da gomhbü yün japi u di un yú t'ühni Oja. Ne gue'a bi ma majuani di un'ndu to'o gätho da bæn a. ⁶Pe nuya gá 'yasäbahü yu hyoya. Ha hin dí pähmbü ngue gue'u yu membeti di unghahü, ne i sixcahü bü ja yu ngunts'ut'abi. ⁷Ha hinga gue'u yu membeti dí øhmbü im man ra ts'ore nangue rá hoga thuhu ma Hmuhü ra Cristo. ⁸Pe: “Ga huɛc ma mijá'ihü tengutho bü na huɛczehe ma já'ihü.” Guehna xün ho ga øthü na, nguetho rán t'ɛdi ra Cristo mixte thoho a, tengu man t'o't'i bü rá m hman Oja. ⁹Pe nu'bü hinga gätho yu já'i dadí huɛju, ra ts'oqui a dí øthü 'bü, ne dín dupatehü a ran t'ɛdi ngue im ma gätho 'da i gu bü dán huɛju. ¹⁰Pe dín ndehü made tho ga øthü gätho rán t'ɛdi Oja. Pe madahønt'a n'datho rán t'ɛdi Oja hin dá øthü, ya dín dupatethü gätho rán t'ɛdi Oja 'bü. ¹¹Ngübü dí ørpahü yün t'ɛdi Oja ngue bi 'yɛna: “O guí øthü ran 'yomt'ɛni,” ne: “O guí haɛpahü rá te ni mijá'ihü,” bi 'yɛna. Madague'bü hin dí øthü ran 'yomt'ɛni, pe dí haɛpahü rá te ma

mijá'ihü, guemhma dín dupatethü gätho rán t'ɛdi Oja 'bü. Nguetho n'dat'a Oja bi ma gätho yün t'ɛdi. ¹²Pe nu'a rán t'ɛdi ra Cristo, gue'a di zeju ga øthü yün thehü. Ne gue'a rán t'ɛdi dí 'yängahü Oja a 'bü dá øthü o hin'na. Janangue'a ga jamansuhü a dím mamhbü ne'a dí øthü. ¹³Ne nu'bü him bi 'yøt' ran huɛcate n'da, ne hingui ngu 'be'a dí huɛc Oja a 'bü bi juanbi. Pe nu'bü bi 'yøt' ran huɛcate n'da, da bømanko 'bü bi juanba Oja a.

**Hingui ho 'bü nte n'youi
yün t'øt'e rá t'ɛc'yɛi n'da**

¹⁴Ma zi cu ahü, 'be'a gue ní mba a i øt' i 'da sä ɛna ja yú t'ɛc'yɛi, pe hingui øt'u yün thehü. Hin da yan Oja n'da 'bü sä ɛna ja rá t'ɛc'yɛi. ¹⁵⁻¹⁶Xi'bü 'bü'a n'da ma cuhü ra 'yahe ne sä ra thuhu. Ne ga ɛmfu: “Ní mba, bá he ni he, ne bán sihme, da hyu ni mbüi,” ga ɛmfu. Pe nte dá unhdü 'be'a honi. 'Be'a gue ní mba a dá ørpahü 'bü. ¹⁷In jabü n'da 'bü hingui øt' yün t'øt'e rán säui rá t'ɛc'yɛi, nu rá t'ɛc'yɛi nte di muui, tengu'bü n'da ra du ngue hingui di 'yáni. ¹⁸Pe nu'bü gui 'yɛnjü: “Nu'i ja ni hogant'øt'e, pe nugähe dí ɛc'yɛi mbo ma mbüihe.” Ne ga xi'ahü büya, damí 'yurca ni t'ɛc'yɛi ngue nte n'youi nin t'øt'ehü, gan nugä. Nugä da zä ga ut ahü yün t'øt'e dí øt'ä, janangue'a di nequi ma t'ɛc'yɛigä ngue majuani a. ¹⁹Guí pähmbü i 'bü Oja, pe hin dí gua a zi ts'u. Nguetho ne'u yu zïthu i paði i 'bü Oja, pe ɛmme di fet'i, nguetho yün suiü Oja u. ²⁰Gyá 'yambüihü, ha hin guí pähmbü ngue xingui ts'u nte di muui ni t'ɛc'yɛihü 'bü hin te

guí øthu. ²¹Nde'bu gam bẽmhbu ts'u nangue mam bombøtahũ ra Abraham. Ja bi nequi a xmi pã Ojã xũn ho 'bu mi 'yøt'a bi xifi, ngue bi gãxpũ ja ra do a Isaac rá ts'unt'u, ngue ẽna xtã hyo xtĩ un'na Ojã.

²²Nangue bi 'yẽc'yẽi mbo rá mbui, bin ja ra ts'edi buya ngue da 'yøt'u yũn thehũ. Janangue'a rãm pe ra t'ẽc'yẽi u yũn t'øt'e. ²³Ne gue'a mi mam bu ja rãm hman Ojã, bi 'yẽna: "Nu ra Abraham bi 'yẽc'yẽi a bi man Ojã, janangue'a bi 'yẽmp Ojã xũn ho," ne bi 'yẽmbi rá amigo xũn ho Ojã buya. ²⁴Dĩ pãhmbũ ya, i ẽmp Ojã xũn ho n'da ra ja'i 'bu øt' rãn säui rá t'ẽc'yẽi, ne hinga sä da 'yẽna ẽc'yẽi Ojã. ²⁵Ximangutho a Rahab, ngue ra xisu zã min 'yomt'eni mam 'bet'o. Pe bi 'yẽmp Ojã xũn ho 'bu midĩ nequi rá t'ẽc'yẽi, 'bu mi 'yøt'a ran ho bi 'yøt'e, ngue bi jamansu u yũ 'yẽc'yẽi 'bu mi mba bá ašpa rá hnini. Ne bá uti n'dan'yo ra 'yu bá hãx 'bu mam bá pengui, janangue'a him bi mba mfent'i u. ²⁶Ja ga pãhmbũ buya ngue hingui ho rá t'ẽc'yẽi n'da 'bu hingui øt'u yũn thehũ, tengu n'da ra ja'i xũn du ngue hin'yũ bu rá mbui.

Ga samzehe ma jãnihũ

3 Ma zi cu ahũ, nde'bu hinga gãtho dan xãnbatehũ bu ja ram peti. Nguetho dí pãhmbũ Ojã da nu 'be'a dí øthu, ne nuje, man'da da 'yãngahe Ojã, xinda gue'bu hin xcãn xãnbatehe. ²Ne gãtho gahũ xũn ngu yũ nidi ja'bu dí øthu yũ ts'oqui. Pe nu'bu 'bu'a n'da xinga n'da ra ts'oqui im ma, ya xũn te xũn ho rá mbui a, ne i pãdi di jamansu xũn ho gãtho i øt'a 'bu.

³Tengu'bu dí cãrbahũ yũn ts'are yũ fani, da 'yøt'a dí xihmbũ buya, ne hinga hønt'a rá nde di 'bãt'i, pe 'da dí 'bãthoho. Ngutho 'bu i samzehe rá jãni n'da, ne hinga hønt'a rãm hma da bãdi da zãmmi, pe da da bãdi di jamansu xũn ho gãtho i øt'e. ⁴Ne tengu ra dãbarco, madague'a xũ ndoho, ne ts'edi ran dãhi i joni, pe ẽmme zicue a ní mba ma 'yoni, pe hønbũ go da ndepe dí mba a di 'yoni. ⁵Ngutho ma jãnihũ, zicue, pe ẽmme xũn ngu da bøni nangue 'be'a da ma. O tengu'bu n'da ra despi zicue, pe ẽmme xũn ngu 'be'a da 'yudi, ne da zã da 'yu a n'da ra xãnthø xũ ndoho. ⁶Nguetho ma jãnihũ tengu'bu n'da ra sibi. Ne man'da xũn ts'o øt' ma jãnihũ xinda gue'a ma 'yehũ ogue ma guahũ. Ne gue'a ní ts'oni gãtho dí øthu a, ne di xãnd ran ts'o gãtho ra ximhãi, ngue di bẽnba a ra zĩthu. ⁷Pe nu yũ ja'i man'da da zã di maxubi hønt'a go má zate ne yũ doja ne yũ pozũ ne yũ huã. ⁸Pe nu rá jãni n'da, njo'o to da zã di høt ra 'yu. Ne i hote, tengu n'da ra pozũ, ẽmme in cue, ran dãte a rá nde. ⁹Nangue ma jãnihũ sä dí ẽmhbu dí ẽspahũ Ojã ma Tahũ, pe ne dí äfu ra 'yãnthĩ ma mija'ihũ. Pe nu'ũ, bi zãn'na Ojã u, bi ndepe dim 'bui tengu tho Ojã u. ¹⁰N'dat'a ma ndehũ ná yãhũ 'bu dí ẽspahũ Ojã ne'bu dí äfu ra 'yãnthĩ ma mija'ihũ. Pe ma zi cu ahũ, hingui sä ga øthu tengu a. ¹¹Ha i sä 'darbũ da bøhmi ra dehe xũn ho a ra dehe xũn xã. ¹²O 'be'a di ja yũ za'ixi, ma zi cu ahũ, ha ne'ũ yũ peni i zũpũ. O xi n'da ra zabort'i, ha zũpũ yũ ixĩ. Xĩngui sä 'darbũ da bøhmi ra dehe xũn ho a hingui ho.

**Bí nexpu bí 'bu Oja ran
'yomfëni xun ho**

¹³Nu'bu dí pãhmbu ran 'yomfëni, pe ga uhmbu 'bu, nangue ran hocja'i ga øthu, ne hin dan 'yëzëhëu, guepu da fãdi majuani i ja man 'yomfënihu. ¹⁴Pe nu'bu xun ju dím bënba ma mijã'ihu nangue ran ts'ëya, ne dadí mispahë, ne sä dí ãmhbu ja man 'yomfënihu, pe ra fehni a dím mamhbu 'bu. ¹⁵Pe nuna ra ts'on'yomfëni na him bí nexpu bí 'bu Oja, pe bi nequida ua ja ra ximhäi, ne dá bënse ma mbüihu, ne ra zïthu bi bëngahë tengu na. ¹⁶Nguetho nu'bu dí øthu ran ts'ëya, ne dín nde dam mixtehë, nu'bu, dí øthu gãtho yu ts'oqui 'bu, ne yu sui. ¹⁷Pe nu ran 'yomfëni di 'daju Oja, n'dat'a gam bëmhbü, ne ga hocpahë rá mbüi ma mijã'ihu, ne gan numanhohu u, ne din ja man huëcatehu, ne ga fãxhu u, ne hin da goh ma mbüihu 'bu ja a dí xihmbü u, ne hin ga häthu u. ¹⁸Pe nu'bu jante thoho ga hocpahë rá mbüi ma mijã'ihu, dí øthu tengu'bu dí pomhbu ra hmudä dí böx ran ho 'bu.

Hin ga øthu rá pähä ra ximhäi

4 Ha hin guí pãhmbu hapu di nequi u yun sui guí øthu, ne yun heque. Ha hinga gue'u di ho ni mbüi zëhëhu a gnín sühmbü. ²Nu'a hin ní zä guí tïmhbu a guín ndehë, gue'a gnín hote thohohu a. Ne gue'a ran ts'ëya a gnín sühmbü 'ne gnín tunhdu, nguetho hingui sä guí tãhmbü a guín ndehë nangue ni pähä zëhëhu. Pe hin guí tïmhbu ngue hin guí äfu Oja. ³Pe

madague'bu guí äfu Oja a guín ndesehë, pe hin di 'da'ahu, nguetho hingui ho guím bëmhbü, guín nde gui xand ni pähä zëhëhu. ⁴Sä guí ãmhbu hont'a Oja guím bëmhbü, ne ya guí ten thohohu ra ximhäi. Ha hin guí pãhmbü gadín sühmbü Oja 'bu guín numanhohu ra ximhäi.

⁵Uague guí ãmhbu säti thoho bi man rá t'ohni Oja ngue bi 'yëna: "Pe ãmme dín ndepe da bëngui, janangue'a dá un ma Hogandãhi di huëc'u, ne di jamansup yú mbüi," bi 'yën Oja. ⁶Pe di zet'a ni mbüihu Oja, n'damhma da zä hont'a guim bëmhbü a. Janangue'a ën Oja, di un rá mate n'da 'bu hin din 'yëzëhë, pe da zu a n'da 'bu din 'yëzëhë, i ën rá t'ohni Oja. ⁷Damin unsehë ya ngue di manda ahü Oja, ne dami sühmbü ra zïthu, da 'dagui nangue'ahu.

⁸Zã damim bëmhbü ngue 'darbu guí 'bühmbü Oja, ne zã da hyut'a ni mbüihu büya. Dami 'yeshü yu ts'oqui guí øthu, ne hingui yoho da bën ni mbüihu. ⁹Pe i jatho da du ma mbüihu nguetho dyú ts'om'bäi hu. Ne dan zomhbu, hingui sä dan thethohu. Nu ma thedehu dim pommi ra ts'oni, ne nu man johyahü dim pommi ra dumbüi. ¹⁰Ne ga øthu ngue hin'yü ma ts'ëdi zëhëhu bü ja rá hmi Oja. Ga äfu ra punbi, janangue'a di pungahü ne di jajü dan johyahü büya.

Hin dan c'ãman'uhü

¹¹Ma zi cu ahü, o gadín c'ãman'uhü, nguetho nu'bu gadín c'ãman'uhü, masque guím bëmhbü hingui ho rán t'ëdi Oja i ëna dan huëju. Ne nu'bu hin dí øthu rán t'ëdi Oja, ëna gue'bu jase man

t'ɛdihɯ 'bɯ. ¹²Pe hɔnt'a n'da sá di 'dajɯ yɔn t'ɛdi, nguetho Ojɔ a, ne hɔnt'a sá da yɔn'a n'da ne i sá di jua'a n'da. Pe ha dím bɛmhɯ dyɯ ojahɯ ngue sá ga ɛmhɯ ja yú ts'oqui ɯ 'da.

Hin dí hand bɯ ní 'yɛh man zaquihɯ

¹³Mbähä dan 'yomfɛnihɯ ts'ɯ ya, nguetho dí ɛnthohɯ: “Nuya ogue nixudi ga mbähä n'danni, dam 'buhmbɯ n'da jeya bɯ, ne dam pehmbɯ, ga tɔhmbɯ,” dadín 'yɛmfɯ. ¹⁴Pe hingui sá gam mamhbɯ tengu a, nguetho ya hin dí pɔhmbɯ 'be'a ga ɔthɯ, ne hin dí hand bɯ ní 'yɛh man zaquihɯ. Tengu tho n'da ra güi, guín nu, jabɯ, ne xɔ gán nu, hin'yɯ bɯ. Njarbɯ n'da ra jɔ'i. ¹⁵Pe nde'bu ga ɛmhɯ: “Nu'bu da nde Ojɔ, dam 'buhmbɯ ts'ɯ, ne din ja 'be'a da zä ga ɔthɯ bɯya.” Guehna gam mamhbɯ na ya. ¹⁶Pe dán 'yɛzehɛhɯ 'bɯ hin dá äfɯ Ojɔ 'be'a da zä ga ɔthɯ. Pe ra ts'oqui a. ¹⁷Nu'bu dí pɔhmbɯ a ran ho, ne hin dí ɔthɯ a, ra ts'oqui a 'bɯ.

N'da ran zofo i sih yɯ membeti

5 Damin 'yomfɛnihɯ ts'ɯ gyɯ membetiɯ, gan zomhbɯ ne ga mbahmbɯ nguetho nts'utho ra 'yɔnthi guin nuhɯ. ²Nu'a 'be'a gä guí peshɯ tengu'bu xɯ 'ya bɯ nam bɛn Ojɔ, ne ni hehɯ tengu'bu xɯn za yɯ zu'uɛ. ³Nu ni mbetiɯ xɯn ts'om bɯ na nu Ojɔ a, nguetho nin ts'iyatehɯ a gní tɪmhɯ ɯ, ne hin gá pɔhmbɯ nda'a xɯn ho xquí jafɯ. Ne gue'a dí jua ahɯ a tengu'bu ra sibi. Ne tengu'bu guidí munshɯ a ran ɯnbi guin nuhɯ 'bɯ ran zegui. ⁴Gä hyät ni mbefihɯ hin gá

juarpahɯ yún zäbi 'bɯ min xopɯ ni huɔhihɯ. Ne nu'a ran zäbi gá cɔnba ni mbefihɯ, ne gue'a dí yɔp ahɯ a. Ne nu'a rá ts'oni ni mbefihɯ bi 'yɔ Ojɔ tɔte thoho rá ts'edi, ne da hyɔ ra güenda nangu'eɯ. ⁵Nu'ahɯ gám 'buhmbɯ nangu'e nin johya zehɛhɯ nguecua ja ra ximhäi gyú ziyatehɯ. Ne bi zac ni mbɛihɯ tengu n'da ra ts'ɔdi. Pe gue'a dín ja'ahɯ tengu'bu ran thots'ɔdi 'bɯ rán zegui ra pa. ⁶Ne nu'ahɯ guí cothɯ fädi ɯ nte in dupate, ne xɔ guí hohɯ bɯya, ne hin di mu.

Ga häthɯ 'be'a i t'ɔrcahɯ

⁷Janangu'e'a ma zi cu'ahɯ, nu'bu i t'ɔrcahɯ a, pe hin dan xɔmbɛihɯ, ne ga tɔmhɯ gue'bu go bá ɛh ma Hmuɯ ra Cristo. Tengu'bu dí tuhmbɯ yɯ hmudä ua ja ra häi, dí tɔmhɯ hɔnt'bu go njɔm'bu ba ɛh ra 'ye, di hoqui 'be'a gä xtá tuhmbɯ bɯya. Ne din ja a mi numanhohɯ din ja bɯya. ⁸Janangu'e'a ga sethɯ hin dan xɔmbɛihɯ, nguetho ya him maya'a ba ɛh ra Hmu. ⁹Ma zi cu'ahɯ, hin ga ɛmhɯ rá ts'oqui na n'da ma cuhɯ 'bɯ dín nuhɯ yɯn ɯnbi, ne xɔmhɯ di ɯngahɯ Ojɔ. Pe guim bɛmhɯ mi ts'utho da zɔ'a ra ze'mi ya. ¹⁰Ma zi cu'ahɯ, gam bɛmhɯ gue bi hyät yɯn ɯnbi ɯ yú pɔngahyɔ Ojɔ, ne nguetho ga häthɯ ɯ. ¹¹Nguetho dí pɔhmbɯ majapi ɯ i hät yɯn ɯnbi. Xtá ɔhmbɯ ngue bi hyät yɯn ɯnbi a ra Job, ne xɯn ngu ran ho bi t'ɔrpa m'bejua. Nguetho nu'a Ojɔ xɯn ngu rán huɛcate ne xɯn ngu rá mate. ¹²Hnehɯ thoho hin ga uɔspahɯ rá thuhu Ojɔ a mam hmansehɯ, xín ga ndɔnbahɯ rá thuhu 'be'a man'da jaua ja ra

häi ngue ga ɛmhbu di zerca mam hmanschü. “Ha guí ɛc'yɛi a dí xil'i uague hin'na,” ga ɛmthohohü. Janangue'a hin di ɱngahü Oja.

Dan yāhü Oja

¹³Nu'bu dín nuhü ran ɱnbi, dan yāhü Oja 'bü. O nu'bu dadín johyahü, dan tuhmbü n'da ra thuhu ngue dí ɛspahü Oja. ¹⁴Nu'bu xün ɱjü, ga xihmbü yü ngürbi bü ja ram peti ba ɣɣ da 'yāp rá mfäts'i ra Hmu, ne da jajü ra aceite nangue rá thuhu ra Hmu. ¹⁵Ne Oja di 'uec'a ran ɱ dí hɛmfü, nguetho dá ɛc'yɛihü ngue majuani da yanjü 'bü má äfü a. Ne nu'bu ma ts'oquihü a dán hyɛnhdü, pɛ di pungahü. ¹⁶Ne dan xih ma ts'oquihü n'da ngu n'dajü, janangue'a da zä dan

'yāfü rá mate Oja n'da ngu n'dajü, ne nu'bu xün ɱ n'da da yam büya. Nguetho xün ngu rá ts'edi da 'yøt' Oja 'bü da 'yāp a majuani n'dat'a Oja im bɛni, ne gue'bu di bɛnba Oja a i ädi. ¹⁷Tengu a ra Elías, nu'a n'da ra ja'i thoho tengu gahü, ne bi hyah rá mbüi bi 'yāp Oja ngue hin din 'ye. Ne him bin 'ye ua ja ra ximhäi gätho nhyunjeya ne n'dato zana. ¹⁸Ne xø bin yaui Oja mahøn'a ngue bi 'yāp ra 'ye. Ne bá penh'na Oja ra 'ye, ne bi bøx yü hmudä ua ja ra häi büya. ¹⁹⁻²⁰Ma zi cu'ahü, nu'bu n'da ra 'yɛc'yɛi da 'uepü ja ra 'yu xün juani, ne nu'bu da zä ba sihü mahøn'a, ga paḥmbü ngue dá yanbahü rá te a xí 'uegue. Ne madague'bü xün ngu yú ts'oqui, pɛ bi mba ma punbi.